



AUDITORIA SEGURANSA FETO

Ba espasu Públiku 24 iha Timor-Leste

Antesedente

Fatin ida-ne'ebé seguru ba feto sira importante tebes, hodi asegura sira-nia asesu ba direitu fundamentál, informasaun no servisu. Aliña ho Planu Asaun Nasional ba Violensia Bazeia ba Jeneru iha Timor-Leste 2022-2032, Programa Konjunta **Hamutuk ba Igualdade (T4E)**, ne'ebé implementa husi UN Women, UNDP, UNFPA, no IOM, ho objetivu atu prevene no responde ba Violensia Bazeia ba Jeneru liuhusi kria fatin públiku ne'ebé seguru ba feto sira.

Auditoria Seguransa Feto (ASF), instrumentu ida-ne'ebé dezenvolve ona iha Kanada no hadi'a ona husi UN-HABITAT, nu'udar instrumentu atu identifika fatór sira ne'ebé bele hamosu no aumentu violénsia hasoru feto no labarik-feto sira (VKFLF) no fó rekomendasaun atu hasa'e seguransa ba fatin públiku sira.

Hanesan parte husi programa T4E ne'ebé implementa husi **Rede Feto Timor-Leste** no nia membru implementador sira (**UFD Baucau, Esperança, FKSH** no **MANEO**), sei halo auditoria ba fatin públiku 16 no instituisaun públiku 8 iha munisípiu haat ho instrumentu ASF nian. Inisiativa ida-ne'e, fasilita husi Rede Feto ho apoiu tékniku husi UN Women no apoiu finanseiru husi KOICA, ninia objetivu mak atu avalia no propoin rekomendasaun sira atu hadi'a seguransa, inkluzividade no asesibilidade iha fatin públiku ba feto sira.

Ambitu

Auditoria Seguransa ba Feto avalia situasaun seguransa ba feto sira iha área espasu públiku 16 no instituisaun públiku 8 iha Dili, Baucau, Covalima, no RAEOA entre fulan Outubru 2022 – Outubru 2023.

Iha total partisipante na'in 1,570 (feto 598 no mane 972), inklui estudante, profesor, pasiente, pesoál saúde, ema ne'ebé ba merkadu, uza transporte públiku, membru comunidade, representante governu no Organizasaun Sosiedade Sivil sira mak partisipa iha kamiñada Auditoria Seguransa Feto ne'e.

Areia ASF 24 ne'e mak hanesan:

- Instituisaun Edukasaun (4)
- Jardim Públiku (8)
- Merkadu (5)
- Transporte Públiku (2)
- Edifisiu Governu (3)
- Óspital (2)

Metodolojia

1

Konsulta ho parte interesada relevante sira

2

Identifika fatin atu hala'o Auditoria Seguransa Feto (ASF)

3

Organiza kólokiu ba orientasaun partisipante

4

Halo Kamiñada Auditoria Seguransa Feto

5

Partisipante sira rejista dadus iha formatu avaliasaun

6

Valida deskobrementu no rekomendasaun sira

7

Prepara relatoriu Auditoria Seguransa Feto


Kriteria avaliasaun

- Persepsaun jerál kona-ba seguru (Kódigu Kór):** Avalia persepsaun jerál partisipante sira-nian ne'ebé klasifika tiha ba nivel haat (4) uza kódigu kór hodi deskreve partisipante sira-nia sentimentu kona-ba área sira auditoria . . kobre ba. Mean, Azul, Matak no Kinur uza hodi deskreve nível seguru ne'ebé espresa husi partisipante sira.
Mean katak ta'uk, la seguru ka la seguru liu.
Azul katak la konfortável ka la aseitável.
Matak katak iha nivel seguru uitoan.
Kinor katak seguru no sentimentu konfortável atu iha área ne'e.
- Asuntus Seguransa:** Asuntu seguru 7 (Iluminasaun, Nakloke/Abertu, Vizibilidade, Densidade Ema, Seguransa, Dalan La'ó ain, no Diversidade Jéneru) nu'udar kritériu hodi determina asuntu seguru ida ne'ebé mak observa tiha hanesan fatór ida hodi halo/hamosu fatin (espasu) públiku hirak-ne'e sai la seguru liu.
- Inkluzividade no asesibilidade:** Avalia oinsá mak atu dezeña fespasu públiku sira, no administra iha maneira ida ne'ebé simu/akomoda no asesível, seguru, no simu membru hotu-hotu comunidade ne'e. Ne'e inklui ema husi idade diferente, jéneru, rasa, no relijiaun inklui ema sira ho defisiénsia.
- Ameansa sira seluk:** Avalia fatór kontribuinte sira seluk ne'ebé halo área sira insegu.

Deskobrementu

Persepsaun kona-ba Seguransa

Iha área públiku 24 ne'ebé halo auditoria hatudu persepsaun kona-ba seguransa, preokupasaun, no nivel dezkomfortu ne'ebé la hanesan entre respondente sira.



Ospital sira (2): Persepsaun: **Mean** (katak ta'uk, la seguru ka la seguru liu) Preokupasaun no dezkonfortu boot mak hetan iha área sira hanesan sentina hospital no sala maternidade. Evidénsia sira ne'e subliña prezisaun urjenti ba esforsu atu hadi'a medidas seguransa iha fasilidade kuidadu saúde.

Jardin Públiku sira (5): Persepsaun: **Mean** (katak ta'uk, la seguru ka la seguru liu) Preokupasaun seguransa iha jardin públiku nia área abranje sira hanesan sentina, jardín, bai-venda, no medida sira seguransa, ho tremor no dezkonfortu boot prevalese maski iha área sira ne'ebé harea tiha ona favorável, subliña nesesidade urjente atu hadi'a seguransa iha parke públiku sira.

Transporte Públiku (2): Persepsaun: **Azul** (katak dezkonfortável ka naunaseitável) Fatin sira iha terminál bis hanesan dalan la'ó nian no kantina hasoru preokupasaun seguransa signifikante, enkuantu sira seluk hanesan sentina no rute ka jalur mikrolet apresenta persepsaun seguransa misturadu liu, indika nesesidade ba medida sira seguransa ne'ebé di'ak liu no inkluzividade iha sistema transporte.

Merkadu (8): Persepsaun: **Azul** (katak dezkonfortável ka naunaseitável) Persepsaun seguransa iha merkadu variedade, ho preokupasaun boot kona-ba sentina, uma fa'an fatin, no área soe lixu, indika prezisa nesesidade urjenti ba intervensaun alvu atu hadi'a padraun seguransa no limpeza iha merkadu.

Instituisaun Edukasaun (4): Persepsaun: **Azul** (katak dezkonfortável ka naunaseitável) Preokupasaun seguransa iha instituisaun edukasaun boot liu fali aula atu inklui sentina, dalan la'ó, indika nesesidade ba medida seguransa ne'ebé di'ak liu atu kria ambiente aprendizajen seguru no inkluzivu iha instituisaun edukasaun sira.

Edifisio Governu (3): Persepsaun: **Azul** (katak dezkonfortável ka naunaseitável) Nível sira variedade preokupasaun iha área sira ne'ebé diferente, ho sentina no dalan la'ó fatin hatudu preokupasaun boot, indika seguransa no preokupasaun limpeza. Persepsaun seguransa pozitivu liu iha área sira hanesan kantina, maske preokupasaun sériu kona-ba seguransa iha área sira ne'ebé seluk hanesan loket rejistrasaun, sala trata karta kondusaun, no eskada sira, hatudu nesesidade atu hadi'a seguransa no hadi'a infraestrutura.

“ Maioria respondente sira 70% maka senti **la seguru** iha fatin públiku sira. 39% senti fatin públiku halo **Ta'uk**, ho 33% senti **la konfortavel** ”

Asuntu seguransa ne'ebé Identifika

Ambiente Fíziku



Iluminaun la di'ak

Iluminaun la diak mak barak liu iha área sira ne'ebé krítiku hanesan eskola, ospital sira, merkadu, no jardim, ne'ebe tau risku ba seguransa, liu-liu ba feto no labarik feto sira.



Menus área nakloke

Preokupasaun kona-ba arranju ne'ebé fraku no no laiha delimitasaun kompromete privacidade no seguransa iha área sira iha instituisaun públiku no espasu sira.



Vizibilidade la diak

Fatin helik sira ho iluminaun la suficiente iha área krítiku sira hanesan sentina no dalan tama aumenta preokupasaun kona-ba privacidade no seguransa pasiente nian.



Kondisaun dalan la'o fatin

Risku seguransa ne'ebé asosiadu ho dalan la'o no konjestaun ne'ebé iha obstákulu identifika iha eskola, merkadu, no jardim.



Seguransa/Protesaun menus

Preokupasaun signifikante kona-ba seguransa no protesau iha ospital sira, merkadu, jardim, no edifisiu governu nian.

Ambiente Sosiál



Densidade ema aas

Preokupasaun no problema kona-ba kongestaun identifika iha área sira iha ospital, merkadu, eskola, jardim, no terminal.



Diversidade Jéneru

Feto no labarik feto sente-nafatin laseguru iha área sira ne'ebé domina liu husi mane sira inklui área sentina iha ospital, merkadu, kantina, eskola, jardim, edifisiu, no terminal sira rezulta feto sira la sente seguru.

Jerálmente, dadus sira-ne'e subliña preokupasaun seguransa oin-oin iha fatin públiku sira-nia laran no subliña nesidade ba medida seguransa ne'ebé kompresivu hodi kria ambiente seguru no inkluzivu ba membru sociedade hotu-hotu.

Rekomendasaun ba tempu badak

Tuir mai mak rekomendasaun sira ba **Governu** atu foti asaun imediata



Hadi'a infraestrutura iluminasaun

Alokasaun fundu ba instalasaun iluminasaun boot liu no sensor movimentu no inklui planu atu hadi'a iha Planu Asaun Anuál (PAA) 2025 no iha futuru.



Reforsa medida seguransa fízika

Aumenta kuantidade pesoal seguransa. Instala cámara vijilansia, implementa barreira fízika no inklui planu hadi'a iha faze Planu Asaun Anuál (PAA) 2025 no iha futuru.



Kria espasu seguru dezignadu

Identifika no dezeńá área seguru iha instituisaun públiku sira no inklui planu hadi'a iha iha Planu Asaun Anuál (PAA) 2025 no iha futuru.

iha ne'ebé **organizasaun sosiedade sivil sira** iha papél krítiku atu monitoriza progresu no halo advokasia ho instituisaun governu relevante. Enkuantu papel husi **ajensia dezenvolvimentu** sira mak atu fornese apoiu tékniku no suporta esforsu advokasia.

Rekomendasaun ba tempu naruk



Optimiza dalan la'o fatin atu aseguara seguransa no asesibilidade

Governu: Hala'o avaliasaun hodi identifika risku seguransa sira. Asegura dalan la'o ne'ebé mantén ho di'ak, asesível, no iluminadu tuir dalan ne'ebé adekuaudu

Organizasaun Sosiedade sivil: Partisipa iha avaliasaun no fó kontribuisaun kona-ba risku seguransa sira. Monitoriza manutensaun ba dalan ba'a'o nian.

Parseiru Dezenvolvimentu: Fornese suporta tékniku no suporta esforsu advokasia.



Promove diversidade jéneru no inkluzividade

Governu: Implementa polítika no iniciativa sira atu promove diversidade jéneru no inkluzividade.

Organizasaun Sosiedade sivil: Monitoriza implementasaun polítika diversidade jéneru. Halo advokasia ba inkluzividade iha instituisaun públiku sira.

Parseiru Dezenvolvimentu: Fornese rekursu no suporta ba programa diversidade jéneru.



Enkoraja envolvimentu komunitária no programa konxensializaun

Governu: Organiza kolókiu seguransa, patrulha komunitária, no programa estensaun sira.

Organizasaun Sosiedade sivil: Partisipa iha no fó suporta ba atividade envolvimentu komunitária.

Parseiru Dezenvolvimentu: Fornese fundu no rekursu ba programa envolvimentu komunitária.

Kustu

Estimasaun Kustu ba implementasaun hadi'ak seguransa iha fatin públiku sira agora dadaun la disponivel tanba nesiedade atu hadi'ak fatin oiain. Maibé, importante tebes atu aloka fundus ne'ebé adekuaudu hodi responde ba preokupasaun seguransa hirak-ne'e.

Ba melloramentu ho orsamentu aas, di'ak atu planeia intervensaun hirak-ne'e iha faze sira atu aseguara utilizasaun rekursu ho eficiente no implementasaun efetiva. Aprosimasaun faze ida-ne'e permite prioritizasaun ba nesiedade seguransa kritika sira no mós konsidera limitasaun orsamentál no disponibilidade rekursu iha tempu ne'eba.

Kontaktu detallu:

Domingas dos Santos Saldanha Alberto
Ofisial Advokasia, **Rede Feto Timor-Leste**
+670 77356663/amyng.saldanha@gmail.com

